

瀋陽縣志卷之十三

宗教

佛教

道教

喇嘛教

回教

天主教

耶穌教

瀋陽縣志

卷十三目錄

一

奉天作新印刷局印

瀋陽縣志卷之十三

宗教

福善禍淫宗異趣同微言寢絕孰覺迷封去聖云遙人奮私智其揆不一莫能牖俗清濁垢淨本師各承龍蛙爭席迫而不寧載胥滔滔遷流曷極正本反經後賢有責

述宗教

佛教

佛爲西方聖人而教行於東土漢時金人感夢白馬馱經教徒初來止於鴻臚寺後遂名所居曰寺魏晉之際高勾麗建國始聘西僧宏通釋典是爲佛教入遼東之始其後遼金元崛起北方咸崇信仰有清混一車書與儒道鼎峙統爲三教乾隆間有請廢二氏者高宗下詔譬之並系以詩有留資畫景與詩材之句咸同中奉天有高僧蓮蒲上人善書畫宗風甚振

光宣變法主事者擬以不列祀典之祠廟改建學校議未行而國體變東南糜爛廟產頗多沒收南都寄禪和尚首倡組織中華佛教總會以爲沙門護法而奉天支部亦於同時成立並設國民學校悲智普度歌利忍辱龍象負重香南雪北禪伯功臣別有女子出家者內典謂之比邱尼俗呼爲尼僧亦曰幼僧始於晉劉孝標之妹其所居蘭若曰庵隸於僧籍之末戒行亦頗有可稱者近自管理寺廟條例頒行凡十方選賢傳法剃度各叢林寺廟有關名勝者法律負保護之責其於歷史有昌明宗教事蹟及僧道戒行高潔精通教義者國家彰表揚之典像教自此庶免凌夷矣

中華佛教總會奉天支部 附設外攘關路北萬壽寺其立會以依佛平等願力演大乘教融通二諦法門增進人羣道德爲宗旨於民國元年十一月初七成立呈請督憲立案職員由諸山僧侶票選設會長一副會長二分科五總務理財演教文牘評議各置科長一

科員無定額會員五百四十六二年五月改選一次常年經費由證書費項下照章撥給
支部二成共收入無定額支出者書記二僱役二公費年二百元交際雜費一百元不足
由會員捐助年終彙冊報告以徵信焉

萬壽寺 在外攘關路北明正統五年建御賜藏經一藏七百一十六函雍正十三年四月
初八日御賜藏經一藏七百二十四函祠宇二十六楹爲佛教十方常住叢林中華佛教
總會奉天支部附設寺內住持方丈一僧侶五十餘舊志云卽慈慧寺俗呼譚家庵

永壽寺 在外攘關街北康熙十二年四月建祠宇二十三楹住持僧二道光戊申重修

普慶寺 在外攘關路北祠宇九楹住持僧一原名茶棚庵又名杭聖寺舊係淞江大願老
人施茶之地康熙五十四年光祿瑪哈達重建改今名嘉慶三年重修

慈雲寺 在外攘關路北康熙二年重建祠宇十一楹住持僧一原名鴻福寺道光三年改

瀋陽縣志

卷十三宗教

三

奉天作新印刷局印

今名

關帝廟 在外攘關邊門外路南明代建祠宇二十三楹住持僧五雍正四年乾隆元年嘉
慶二十一年咸豐元年同治五年重修

藥王廟 一名杏林書院在外攘關街南同善堂西乾隆十九年建祠宇九楹住持僧三係
藥行公產

永寧寺 在懷遠關街南康熙九年建祠宇三楹住持僧一道光七年二十二年重修

蓮宗寺 在懷遠關觀音堂西北乾隆四十九年建祠宇二十七楹住持僧一道光十七年
重修

望雲寺 在懷遠關街北明代建祠宇十一楹住持僧二乾隆二十年重修俗呼高台廟

保安寺 在懷遠關邊門外西南順治辛亥建祠宇九楹住持僧二

保靈寺 在外攘關邊門外皇寺西康熙四十五年建祠宇十二楹住持僧一昔時施茶募緣建立關帝廟三楹亦名茶棚庵康熙六十一年乾隆十二年重修西院存靈故名保靈寺東院廟爲接官廳

揚教寺 在德勝關東南萬泉河右岸明代建祠宇九楹住持僧二原名華巖寺道光乙卯重修改今名

金覺寺 在德勝關街東祠宇四楹住持僧一原名鎮寧寺順治八年重建道光四年重修改今名

輝宗寺 在德勝關街西金時建按宋人小說徽宗北狩至瀋陽州金人館之於樂郊館疑卽此地後人遂改爲寺以祀之或謂爲宋徽宗家廟者恐非是祠宇九楹萬歷二十五年重修住持僧二

瀋陽縣志

卷十二宗教

四

奉天作新印刷局印

慈恩寺 在德勝關大井沿路東天聰二年建順治元年重修佛殿無存僧房六楹住持僧十餘

祖師堂 在德勝關街東康熙三十五年建祠宇四楹住持僧一嘉慶二年重修

地藏寺 在天祐關街東康熙五年建祠宇十四楹住持僧一嘉慶二年重修

普濟寺 在天祐關風雨台明代建祠宇十一楹住持僧三順治六年嘉慶十七年重修

清風寺 在天祐關前省議會西北建立無考住持僧一

王都堂寺 在天祐關玉皇閣南今廢

三義廟 在撫近關萬泉河北岸崇德年建內舊附祀觀音閣龍王廟今改惠工公司

魁星樓 在撫近關頭道溝魁星樓一楹祠宇四楹道光十八年咸豐十三年光緒八年重

修住持僧二

寶覺寺 在撫近關礮砦市萬歷四十四年建祠宇七楹住持僧一

養生堂 在內治關路北天命年間王佐領建光緒三年重修祠宇十二楹住持僧四

東嶽廟 又名天齊廟在內治關路北漢平帝時建乾隆四年重修光緒年間奉軍翼長左

寶貴重修住持僧四祠宇二十九楹每年會期陰歷三月二十五日起四月初一日止

老君堂 在內治關天齊廟西院崇德二年建祠宇二十九楹住持僧五為手藝行上會之

所

老郎廟 在內治關路南明崇禎九年建原名精忠廟為奉祀岳武穆王神祠清初重修合

祀唐明皇改名老郎廟祠宇六楹住持僧二

皂君廟 在內治關路北乾隆六十年修祠宇七楹住持僧四

孫祖廟 在內治關路北康熙四十六年建乾隆四年重修祠宇九楹住持僧一

濟陽縣志

卷十二宗教

五

奉天作新印刷局印

山神廟 在內治關路北又名老虎廟清初建乾隆五十二年六十年嘉慶二十五年重修

祠宇九楹住持僧一

應福寺 在福勝關邊門內路北明朝建祠宇十二楹住持僧二舊名茶棚庵

白衣寺 在福勝關橫街北胡同祠宇三楹道光二十年重修住持僧五

萬壽寺 一名北萬壽寺在地載關大有玉胡同祠宇十二楹嘉慶十五年重修住持僧三

慈照寺 在地載關路西俗呼獅子廟近已圯

慈慧寺 在地載關獅子廟後順治五年建祠宇四楹住持僧一

大法寺 俗呼八王寺在福勝關北邊墻崇德三年建乾隆五十四年同治十一年重修庚

子為俄軍焚燬住持僧四

井泉清冽為
濟陽第一

崇壽寺 在九門外俗呼白塔寺唐時建康熙三年重修祠宇十一楹住持僧二

觀音殿 在崇壽寺西院康熙年建住持僧二

瘟神廟 在觀音殿西院乾隆年建祠宇十二楹住持僧一

九聖祠 在地載關慈慧寺南明嘉靖二十五年建

十聖祠 在地載關大街西南同治七年建

五聖祠 在地載關大街西北

龍王廟 在撫近門內雍正六年建祠宇二十五楹住持僧一

長安寺 在城內鐘樓北唐時建祠宇三十二楹明成化三十三年清順治十二年乾隆三

年道光二十年重修住持僧四

吉祥庵 在撫近關街南明時建祠宇九楹雍正乙卯年乾隆五十七年道光三年重修住

持尼僧十

濟陽縣志

卷十二宗教

六

奉天作新印刷局印

大悲庵 在撫近關街北道光八年建祠宇十二楹二十二年咸豐元年重修住持尼僧三

觀音庵 在內治關街南道光五年建祠宇四楹住持尼僧二

永安庵 在內治關老虎廟胡同明代建康熙十八年重修祠宇十一楹住持尼僧一

七聖祠 在內治關小津橋北嘉慶十一年建住持尼僧一

南吉祥庵 在德勝關街東同治元年建祠宇六楹住持尼僧一

龍鳳寺 在德勝關街東路北原名極樂庵清初建康熙四十二年光緒三十一年重修祠

宇四楹住持尼僧二

大佛寺 在德勝關街東路北乾隆辛亥年建宣統二年重修祠宇十二楹住持尼僧一

念佛堂 在德勝關柴草市東今廢

般若寺 在德勝關街東康熙二十三年建宣統元年重修祠宇九楹住持尼僧一

地藏庵 在外攘關回回營東胡同明時建歷代歲修祠宇十二楹住持尼僧六

大興寺 在福勝關傅家花園東胡同宣統元年重修住持尼僧一

道教

遼東地處寒外往古教徒甚稀道流自丁仙化鶴後尤如星鳳有之自白雲長春真人始真人生於南渡時幼師事王重陽得先天大道宋金辟召皆辭不赴元祖聞其名遣中使劉仲祿齋虎頭牌問關徵聘經女真泛渤海八年而後得見三請乃命駕道教始北矣時元祖遠征西域真人行在入覲首以天道好生不嗜殺人爲諫元祖重之尊爲國師而不臣門弟子從者十八人隨地佈教道遂大顯號爲龍門宗今中國北部道流皆其法嗣有清開國致虛守靜郭真人望氣東來世祖時預示龍飛之讖人闡定鼎於瀋陽營太清叢林居之如元祖建長春宮故事年八十餘化去遺蛻留院中建塔奉之與燕京白雲仙踪接武同爲不朽後

數傳有姜牧亭監院魏眠雲方丈先後得道羽化壬子十月今方丈葛月潭任監院時發起道教會聯合南北道流上書公府請願推京師白雲觀爲中華全國道教總會設關東分會於本宮並立宗教粹通學校及國民小學以期教育普及甲寅季秋開壇演戒道侶皈依者遠及江浙嶺蜀凡三百餘人檀施護法極一時之盛其女子入道者曰女冠漢時已有之俗呼道姑本屬信徒猶渺蓋華鬢收利佞佛者多也女道士之所以不及禪宗淨土之盛歟別有火居道士以符籙經懺陰陽方伎立教號爲靈寶宗亦曰正乙派相傳出於漢天師張道陵俗呼火居道火居之義舊無考惟番禺雜俎云僧之有室者爲火宅僧則火居道亦其類也舊制民有出家爲僧道者置首領以約束之佛教設僧錄司有僧錄僧綱道教設道錄司有道錄道紀皆隸禮部詳載會典亦稱衣梁道士司日月食救護及雨雪沴厲禳禳之事每朔望於景祐宮建醮祝釐歲領銀米棉布以爲常祠曹廢後改屬地方簡事集權亦宗教革

新之一端也

中華全國關東道教總分會 附設外攘關路北太清宮其立會宗旨在根據道德闡明正教出世入世化而爲一於民國元年十月初五日成立會中職員悉屬義務由諸山道侶選舉設正會長一以監院兼任副會長二分科五總務理財演教文牘評議各置科長一科員無定額教內會員二百九十二教外會員千餘每歲春秋開大會二次常年經費歸本院籌辦

太清宮 在外攘關角樓西隅清康熙四年建八年御賜藏經一藏凡七百二十四函爲道教十方常住叢林關東道教總分會設於宮內祠宇八十八楹乾隆年監院趙一塵重修規模始備住持方丈一監院一職事十六道侶百餘

斗姆宮 在外攘關街南清康熙四十四年皇三子允祉祝嘏建本明準提閣故址祠宇二

潘陽縣志

卷十三宗教

八

奉天作新印刷局印

十六楹住持道侶二

真武廟 在外攘門外清初建乾隆四十一年重修祠宇三楹住持道侶三

關帝廟 在德勝關外清初建康熙二年道光二十四年重修祠宇十二楹住持道侶二

南極宮 在德勝關街東順治五年建乾隆庚午重修祠宇九楹住持道侶五原名淨業庵

玉皇閣 在德勝關柴草市南康熙二十四年建祠宇六楹住持道侶四

呂祖宮 在天祐關街東道光年建祠宇十五楹住持道侶二

清虛觀 在天祐關風雨台乾隆五十六年重修祠宇十一楹住持道侶二

七聖宮 在天祐關天主堂西道光元年建光緒三十四年重修祠宇五楹住持道侶二

玉皇廟 在天祐關馬神廟西南乾隆五十五年建係道教公產現由太清宮經理

五聖觀 在內治關街北康熙三十年建光緒十四年重修祠宇七楹住持道侶五

五聖宮 在福勝關衛生醫院西北康熙六年建住持道侶二

聖清宮 在城內石頭市道光五年建同治十一年重修祠宇六楹住持道侶四

三聖宮 在內治關城內東北萬歷三年建道光十七年重修祠宇六楹住持道侶四

白衣庵 在福勝關白衣寺東北明嘉靖十八年建住持女冠三

景祐宮 在德勝門內路東明代建舊在大清門東祠宇二十楹崇德六年後勅選住持給

人役園地衣糧置鐘磬立碑康熙十年二十一年聖駕兩次幸廟賜御書昭格二字匾額

並賜名景祐宮乾隆四十三年賜玉虛真宰匾額今由道錄經理

都城隍廟 在城內四平街鼓樓東元至正十二年建明洪武弘治萬歷清康熙元年重修

祠宇十七楹今由道錄經理

中心廟 在城內銅行南道光年重修今由道錄經理

瀋陽縣志

卷十二宗教

九

奉天作新印刷局印

關帝廟 有二一在德勝關路西乾隆三十八年建一在天祐關風雨台東北康熙二十八

年建各住持火居道士一

藥王廟 在德勝關街西乾隆五十五年重修每年會期陰歷四月二十五日起五月初一

日止住持火居道士九

火神廟 有二一在德勝關街西乾隆壬子年建一在福勝關交通銀行東康熙三十年建

各住持火居道士一

碧霞宮 俗呼娘娘廟在天祐關街東雍正三年建每年會期陰歷四月十五日起二十日

止住持火居道士一

馬神廟 在天祐關普濟寺西南康熙二年建住持火居道士一

觀音堂 在懷遠關柴草市嘉慶二十四年重修住持火居道士三

財神廟 在福勝關街東路北康熙三十一年建住持火居道士三

瑤池宮 在地載關護城河北坵清初建住持火居道士一

三皇廟 在地載關街東康熙十六年建今為福建旅奉同鄉事務所

天后宮 有二一在地載關三皇廟西乾隆年建為閩江會館每歲陰歷上巳重九為會期

一在懷遠關外為山東會館每歲上巳七夕重九作會

呂祖堂 在地載門內路北乾隆十四年建

九聖祠 在天祐關工夫市俗呼窮神廟同治元年建一在地載關慈慧寺南明嘉靖二十

五年建

五聖祠 有三一在地載關街西光緒年建一在懷遠關街北光緒九年建一在天祐關西

板井清初建

瀋陽縣志

卷十二宗教

十

奉天作新印刷局印

十聖祠 在地載關街西同治年建

七聖祠 在內治關元寶橋西乾隆年建

老仙人洞 在城內文廟東南道光二十九年重修

山西廟 在外攘關外迤北為山西會館

珠琳寺 在內治關外清初建為江浙會館

鎮鄉廟宇

關帝廟 在城北寒坡嶺距城六十二里清康熙年建日俄之役燬於兵火

千佛寺 在城北蒲河距城四十里清崇德二年建

望雲寺 在城北仲官屯距城三十五里明萬歷十年建

向陽寺 在城北蓮花池距城七十里明萬歷三年建

雙泉寺 在城北邱家溝明嘉靖五年建距城七十里

仙人洞 在城北仲官屯距城三十五里清順治年間建

千佛寺 在城北灰土岡距城六十里康熙二年建

永寧寺 在城北大古家子距城七十里

永安寺 在城北中窩距城八里

太平寺 在城北距城五里

關帝廟 在城北二台子距城八里唐時建

應福寺 在城北西寺距城二十里清初建

九聖宮 在城北木匠屯距城二十里清初建

關帝廟 在城北大窪距城二十里清初建

瀋陽縣志 卷十二宗教

三聖祠 在城北東場距城二十五里清初建

玉皇廟 在城北郭三屯距城二十五里清初建

九聖祠 在城北小辛屯距城三十里清初建

藥王廟 在城北翠花屯距城三十五里清初建

火神廟 在城北官工台距城三十里清初建

關帝廟 在城北三窪距城三十里清初建

關帝廟 在城北下二窪距城二十五里清初建

火神廟 在城北官工台距城三十里清初建

關帝廟 在城北雙樓子距城三十里清初建

關帝廟 在城北歪樹子距城三十里清初建

關帝廟 在城北李岡屯距城二十五里清初建

關帝廟 在城北觀音屯距城十五里清初建

關帝廟 在城北文官屯距城二十里清初建

關帝廟 在城北柳條湖距城五里清初建

關帝廟 在城北達子營距城二十五里清初建

關帝廟 在城北柳岡屯距城二十五里清初建

關帝廟 在城西甯官屯距城三十里清初建

關帝廟 在城西小榆窰堡距城三十五里清初建

關帝廟 在城西曹家台距城四十五里清初建

關帝廟 在城西大榆窰堡距城三十八里清初建

瀋陽縣志

卷十三宗教

十一

奉天作新印刷局印

關帝廟 在城西翟家堡距城四十三里清初建

關帝廟 在城西土台子距城四十五里清初建

靠山寺 在城西楊士屯距城二十五里清初建

關帝廟 在城西攬軍屯距城十里清初建

關帝廟 在城西黃桂屯距城十里清初建

佛廟 在城西大窪距城二十里清初建

關帝廟 在城西得勝營子距城四十里清初建

地藏寺 在城西南大挨金堡距城四十五里清初建

七聖廟 在城西南大祝三堡距城五十里清初建

關帝廟 在城西南侯家堡距城五十里清初建

保安寺 在城西南李達堡距城五十五里清初建

碧霞宮 在城西南大青堆子距城五十里清初建

火神廟 在城西南馬貝堡距城五十里清初建

關帝廟 在城西南四台子距城五十里清初建

三義廟 在城南渾河舖距城十里清初建

關帝廟 在城東南班家寨距城二十五里清初建

龍王廟 在城南白塔舖距城二十里清初建

碧霞宮 在城南林盛堡距城四十里清初建

關帝廟 在城南韓城堡距城四十里清初建

關帝廟 在城南官屯距城四十里清初建

瀋陽縣志 卷十二 宗教

清甯寺 在城南北紅綾堡距城五十里清初建

祥雲寺 在城東舊站距城四十里清初建

青雲寺 在城東七間房距城三十里清初建

龍泉寺 在城東高坎距城四十里清初建

中華寺 在城東劉張堡距城五十五里清初建

關帝廟 在城東馬官橋距城十五里清初建

安寧寺 在城東南

舍利寺 在城西塔灣距城十里清崇德年建

關帝廟 在城北道樹子距城五十里清初建

關帝廟 在城北張家堡距城五十五里

關帝廟 在城北七家子距城五十里

關帝廟 在城北偏臉子距城四十里

關帝廟 在城北四家子屯距城四十里

大佛寺 在城北郎家寺距城四十里

三官廟 在城北大橋距城四十里

關帝廟 在城北孟家屯距城四十五里

關帝廟 在城北唐三家子距城四十五里

關帝廟 在城北高力屯距城四十五里

關帝廟 在城北纓達屯距城五十里

關帝廟 在城北九里溝子距城五十五里

瀋陽縣志 卷十三宗教

十四

奉天作新印刷局印

關帝廟 在城北岳士屯距城七十里

關帝廟 在城北六王屯距城六十里

永寧寺 在城北八家子屯距城六十八里

喇嘛

喇嘛者華言無上也本為西域胡僧秦漢時已通中國有紅黑白諸教惟紅教最盛自宗喀巴出異色傳衣改創黃教化行諸部於是紅教中大寶大乘諸王皆奉之定一尊焉大弟子二長達賴次班禪世世以呼畢勒罕轉生主其土地其教皆重見性度生演大乘法斥聲聞小乘及幻術下乘為天魔外道清昭陵御極來獻丹書預告天下一統稱太宗為曼殊師利皇帝曼殊師利華言為妙吉祥後因襲為國號當時內外藩部叛服不一性又嗜殺而喇嘛戒殺且設教神異能降服其心故國家優寵而利用之以為一代馭藩之具宗教之維繫力

亦偉矣不然以二百餘旗荒漠磧確之土地數十萬衆悍鷙複雜之民族豈一二駐防邊帥所能鎮懾哉初崇德二年征察哈爾林丹汗達賴實執橐鞬以從師還有喇嘛默爾根隨載至盛京敕建實勝寺居之今俗呼皇寺是爲喇嘛教入瀋陽之始每歲春夏二五月皆有跳撻之典亦名跳步札滿蒙地志謂之跳鬼徐星伯西域水道記俞正燮癸巳類稿載其制甚詳蓋亦古大儺之遺也其信教徒蒙古人最多滿洲錫伯及漢人次之蒙俗一家有二男者一爲喇嘛以十齡前後入寺初學藏語唐古忒及蒙古文字後習經典教儀飲食無禁忌惟不得蓄妻其婦女亦有出家者薙髮誦經教儀悉如男子內地猶罕見之

實勝寺 在外攘關門外二里俗呼皇寺亦曰黃寺清太宗崇德三年松山之捷師還勅建

祠宇七十九楹碑亭二座東西牌樓二座掌印喇嘛一喇嘛六十六

嗎哈噶喇佛樓 在外攘關外實勝寺內天聰九年元裔察哈爾林丹汗之母以白駝載瑪

哈噶喇佛金像並金字喇嘛經傳國璽至此駝臥不起遂建此樓達喇嘛二喇嘛六

慈善寺 卽皇寺後樓嘉慶十六年重修

長寧寺 在外攘關外西北五里舊稱御花園順治十三年勅賜爲寺祠宇四十七楹碑亭

一座達喇嘛一喇嘛二十七

興慶寺 在外攘關門外康熙年建係滿洲家廟達喇嘛一

積善寺 在外攘關門外康熙年建爲蒙古家廟達喇嘛一

善緣寺 在外攘關門外康熙年建爲漢軍家廟達喇嘛一

太平寺 在外攘關門外康熙三十六年建爲錫伯家廟達喇嘛一

廣慈寺 俗呼南塔在德勝關門外五里清初勅建寺南寶塔一座祠宇五十楹鐘鼓樓碑

亭各二座日俄之戰燬於兵火達喇嘛一喇嘛十九

永光寺 俗呼東塔在撫近關門外五里清初勅建寺東寶塔一座祠宇三十五楹鐘鼓樓碑亭各二座達喇嘛一喇嘛十九

延壽寺 俗呼西塔在懷遠關門外五里清初勅建寺西寶塔一座祠宇四十五楹鐘鼓樓碑亭各二座達喇嘛一喇嘛十九

法輪寺 俗呼北塔在地載關門外三里清初勅建寺北寶塔一座祠宇四十二楹鐘鼓樓碑亭各二座達喇嘛一喇嘛十九以上四塔清初用喇嘛相地法每寺建白塔一座云當一統相傳爲異

關帝廟 在外攘關門外光緒初年建喇嘛一

端慶寺 在外攘關門外今廢

慈悲寺 在外攘關門外今廢

瀋陽縣志 卷十三宗教

十六

奉天作新印刷局印

回教

回教爲天方教亦曰清真教其興最晚唐武德初回鶻摩罕默德隨波斯胡來中國探曠三教異同歸而著書創教以神權政治武裝宗教立國號元首爲大教師遂有阿拉伯之地今土耳其是也其教惟拜上帝上帝者造物主也信拜造物主者不得信他神拜偶像所著創世記合諸教天堂地獄之說爲善惡因果附大易一畫開天之旨爲性理哲學謂靈魂長在貴殉教捨生出入佛耶融通孔墨蓋亦善知識者滿洲志云回教自唐宋以後始入中國東部其至遼東者或謂由政府移殖今居瀋陽者爲東干派其教長號曰依瑪木在回部祖國者皆兼政權其教師曰阿訇亦作阿轟或譯阿衡其教徒相稱曰把西域地志譯作巴亦譯作八唐顏魯公外傳清直陶八贈魯公丹藥者是也其禮俗每歲有兩大主麻節主麻者華言聚會禮拜之意每七日值牛委鬼亢四宿爲主麻日教民咸入寺誦經祈禱每日寅未申

西戎爲五時拜曰主麻時獨教長教師行之其經典有託賴經讚美詩可蘭經加塞教典希利亞脫教律統名阿刺伯經典其區分世界人類有二曰曼得殊西信他神拜偶像者也曰依利噶塔伯不信上帝法律與偏信教典之一者也皆闢之爲異道其婚喪規儀結婚者於寺內由教長立婚書乃成禮在昔時亦有自由結婚者喪葬延阿訇誦經祈禱浴尸畢以白布纏之不過三日卽葬其棺通替不以窆有捨身者則以蜂蜜置柩中塗身殮之百年後人與化能療異疾其飲食禁忌禽有蹠獸反芻乃食之義取潔也其教民守規律熟經典輕死生善營業戶口二千餘名册分隸各寺其著者有鐵範金性至孝以翰林官主考于氏傅氏並武科進士前高州鎮左寶貴爲奉省翼長甲午殉難平壤予諡忠壯享祀雙忠祠事跡並詳人物名宦志中左文襄公平定回疆諸部時嘗論天方原理明心見性微言不出吾書然摩罕默德利用宗教心理遂以宰割山河鞭笞歐亞今其教民猶有果敢尙武之遺風近者

哲種天驕於所謂黃禍之外且怵惕於回回世界之出現宗教家其亦念之否耶

清真寺 有三皆在外攘關回回營俗呼禮拜寺南寺清初教民鐵率吾建北寺乾隆間楊氏馮氏脫氏建東寺嘉慶季年趙氏馬氏建每寺設教長一亦名掌教爲世襲制副教長二教師無定額今寺中司事者猶原建寺人之裔

天主教

光緒初元法蘭西以最惠國按約宣教移殖遼東於是奉天始有天主教初明成祖靖難後以物色建文帝之所在遣太監鄭和馮保通西洋天主教因隨入中國嘉靖間利瑪竇東來著書傳教名二十五言大學士徐光啟最先奉之爲中國人信天主教之始其後宮壺流行迄於永歷猶元代奉楊璉真伽之秘密教也清聖祖時南懷仁湯若望以佐定曆象功復興其教賜號通微先生並御書通微佳境傍於教堂故明東林舊址也當是時教堂建設惟以

通商海口爲限及圓明園一役文宗北狩大行約款既成英法教師寢遍內地奉天僻處邊隅民風渾樸無主客異觀之心固已釋老一堂儒墨並用雖庚子拳亂變出常勢之外然教民捨生義不苟免婦孺駢首飲刃如歸迨天心悔禍無詐無虞建立遇害教士碑亭優卹償金一百四十萬此特政治變遷世界潮流之所激使然非宗教戰爭人心仇視之本願也當法教士之初至擇善地於天祐關建天主教禮拜堂規模閎麗每一週日祈禱禮拜其教旨與基督悉同信上帝闢他神重靈魂斥偶像本爲耶穌新教之所從出故又呼舊教但神權嚴重少自由平等之風其在歐洲自拿破倫一世後羅馬教皇既失政權復爲路德教新之所軋信徒亦稍殺矣嗟乎信教自由哉在憲典匹夫有責獨匪國民異日者挽回國權自立教會耶穌首例震旦先河民教前途庶有豸乎

天主堂 在天祐關街西光緒元年建堂宇百二十楹西教士三中教士一教民七百

瀋陽縣志

卷十二宗教

十八

奉天作新印刷局印

鎮鄉天主堂 有三一在南二鄉高三家子堂宇三楹一在北二鄉鮑家崗子堂宇十楹一在南二鄉閔指揮屯堂宇三楹各置西教士一教民共三百

耶穌教

兩戒交通之始一神創世之初世界宗教家皆以自度度他願力普遍行化毗蘭東渡便話劫灰刹利西來惟持隻履於是火祆清真大秦諸教聯翩內漸信教自由遂爲中國歷史之慣習而天主耶穌乃得乘時並起而執教壇之牛耳耶穌教亦曰基督教本出天主屬不列顛國之系經路德之改革因呼新教一基督也舊教則爲天主新教則爲耶穌亦猶同一梵教慧能神秀分南頓北漸之宗達賴班禪別黃寺黑樓之派但有支流之異初無得失之分耶教自同光間始入中國北部其至遼東最晚爲諸宗教之殿其規約沿舊教而脫其桎梏壓制之風教典同浮屠而汰其鈎檻矯揉之習拜上帝不拜偶像信眞宰不信他神西方之

教皆然不獨耶穌已也其信教徒達二千餘人尊自由愛平等崇博愛喜慈善薦守教旨頗能自治與民無擾是其教中所長也當歐西中世新舊宗教戰爭門戶水火及移殖東方復與異教繫柄冰炭一爐雖耶教之厄亦道德之障也降至今世民智日開神學日衰學者求宗教之所謂神異事跡者不可得則又以爲涉於迷信擯之而不復道夫迷信亦願認其用如何耳且宗教之設善惡因果既濟法令之窮形氣源流亦究天人之奧徒以上帝靈魂之說示人皇惑遂致爲世詬病然西儒斯賓塞有言宗教之精義存於幽幽故稱神道神道者終古不可變滅者也耶穌已亡猶太已滅而耶路撒冷哭城之典千載下如一日宗教不廢卽人心不死人心不死則猶太滅而不滅耶穌亡而不亡斯真基督之神異事跡世人不察漫以迷信槩之悲夫此宗教精義之所以日敝也獨是傳佈中國以來曩世之功未著噫臍之悔已深洎乎代謝異宜古今殊勢向之所藉以爲三表五餌之資者今日已無利用之餘

地宗教家亦可以覘世變矣民國建元教徒鑒於舊時民教不和因疑生阻創設自立基督教會以爲收回教權之舉每來復日開會演教士民聽講者頗多社會進化人道大同民教之界將從此剷除矣

中華奉天自立基督教會 在撫近關街北其立會宗旨在廣佈福音不分民教啓導愛國思想促進人民道德於民國二年五月成立設正會長一副會長一分科六財政庶務文牘書記會計交際各置主任一宣教師司事董事檢查評議各員無定額會員男八十五女五十九春秋及基督誕日各開大會一次

關東基督教長老會 在撫近關街北清光緒初年創立爲英國長老會分會以中西教士合組協商教務於十八年建禮拜堂三十楹西教士三中教士二西女傳道三中女傳道六長老六執事十餘教徒二千三百餘附設學校及施醫院詳教育慈善志中

福音堂 有六一在撫近關一在內治關一在地載關堂宇各四楹一在福勝門內堂宇五楹一在德勝關堂宇三楹一在懷遠關堂宇十五楹同光緒十八年建各置教士一教民共二百八十三

鎮鄉基督教堂 有七一在北五鄉德勝屯一在北一鄉木梳屯堂宇各五楹一在北七鄉平羅堡堂宇十楹一在北七鄉道義屯一在北一鄉孟家台一在西三鄉前辛台堂宇各四楹一在東四鄉趙家溝堂宇三楹同光緒三十年後建共教士十七女教士四教民九百二十八

奉天基督教青年會 在德勝門內東城根詳見地理